

影印
四庫全書

四庫全書

影印

文淵閣四庫全書

第四五四册

北京出版集團公司
北京出版社

本冊目次

欽定宗室王公功績表傳

清 乾隆四十六年敕撰……………一

卷 首

欽定外藩蒙古回部王公表傳

清 乾隆四十四年敕撰……………二一七

欽定四庫全書

史部

欽定宗室王公功績表傳卷首目錄卷一

主事_臣陳若霖覆校

總校官檢討_臣何思鈞

欽定四庫全書

欽定宗室王公功績表傳卷首

諭旨

乾隆二十九年九月二十六日

上諭宗室中封授王公顯爵者或有伊等先世建立豐

功是以寵列勳階世襲罔替或有分屬天潢本支誼

當出就外府錫之崇秩俾備屏藩而其中惟著有軍

功之玉公等當國家

欽定四庫全書

欽定宗室王公功績表傳

卷首

開基定鼎時宣猷勳績載在宗盟若不為之追闡成勞昭

示來許將傳世滋久不惟伊等功績莫彰無以使奕

世子孫觀感奮發競知鼓勵甚至支派遠近漸亦難

於稽攷即如顯親王康親王簡親王信郡王順承郡

王平郡王及軍功所封公等其酬庸世及中外固所

共知然受封本末事具

寶錄

國史簡牒尊藏秘府未便輕事披檢重以紀載體例不

越因事繁年難免後先參互於一王一公之事蹟未
經哀彙成編其令大學士會同宗人府於

實錄

國史內如顯親王以下各王公等凡立功之端委傳派
之親疎一一悉心采訂分繕成帙進呈以備觀覽

乾隆四十三年正月初十日

上諭睦親彰善王政宜先繼絕昭屈聖經所重朕自臨
御以來間日恭閱

欽定四庫全書

欽定宗室王公功績表傳

卷首

列祖

列宗實錄一冊因脩知

祖宗創業艱難及爾時懿親蓋臣勤勞佐命底定中原偉

伐殊功實為從古所未有而當時策勛錫爵榮號崇

封所以酬答者本從優厚迨其後或有及身緣事旋

被降削者或有子孫承襲更易封號者迄今平情準

理若不為之溯述闡揚追復舊恩於心實有未愜因

念睿親王多爾袞當開國時首先統衆入關掃蕩賊

氛肅清宮禁分遣諸王追殲流寇撫定疆陲一切創
制規模皆所經畫尋即奉迎

世祖

世祖車駕入都定國開基以成一統之業厥功最著顧以
攝政有年威福不無專擅諸王大臣未免畏而忌之
遂致歿後為蘇克薩哈等所構授款於其屬人首告
誣以謀逆經諸王定罪除封其時我

世祖章皇帝實尚在冲齡未嘗親政也夫睿王果萌異志

則方兵權在握何事不可為且吳三桂之所迎勝國

欽定四庫全書

欽定宗室王公功績表傳

卷首

三

舊臣之所奉止知有攝政王耳其勢更無難號名即

我滿洲大臣心存忠篤者自必不肯順從然彼誠圖

為不軌無難潛鋤異己以逞逆謀乃不於彼時因利

乘便直至身後以斂服借用明黃龍袞指為覬覦之

證有是理乎况英親王阿濟格其同母兄也於追捕

流賊回京時說報李自成身死且不候

旨班師睿王即遣員斥責其非並免王公等往迎之禮又

因阿濟格出征時脅令巡撫李鑑釋免逮問道員及

擅至鄂爾多斯土默特取馬會議其罪降為郡王平

日辨理政務秉公持正若此是果有叛志無叛志乎

又

實錄載睿王集諸王貝勒貝子公大臣等遣人傳語曰今

觀諸王貝勒大臣等但知諂媚於予未見有尊崇

皇上者予豈能容此昔

太宗升遐嗣君未立英王豫王跪請予即尊位子曰爾等

若如此言予當自刎誓死不從遂奉

欽定四庫全書

欽定四庫全書
欽定四庫全書
卷首
四

皇上續承大統似此危疑之時以予為君尚不可今乃不

敬

皇上而媚予予何能容自今以後有盡忠

皇上者予用之愛之其不盡忠不敬事

皇上者雖媚予予不爾宥也且云

太宗恩育予躬所以特異於諸子弟者蓋深信諸子之成

立惟予能成立之每覽

實錄至此未嘗不為之墮淚則王之立心行事實能篤忠

蓋感

厚恩深明君臣大義尤為史冊所罕觀使王彼時如宋太

宗之處心積慮則豈肯復以死固辭而不為邪說搖

惑耶乃令王之身後久抱不白之冤於泉壤心甚憫

焉假令當日之逆跡稍有左驗削除之罪果出於我

世祖聖裁朕亦寧敢復翻成案乃實由宵小奸謀構成冤

獄而王之政績載在

實錄者皆有大功而無叛逆之跡又豈可不為之昭雪乎

欽定四庫全書

欽定四庫全書
欽定四庫全書
卷首
五

昨於乾隆三十八年因其瑩域久荒特勅量為繕葺

並准其近支以時祭掃然以王之生平盡心王室尚

不足以慰彼成勞朕以為應加恩復還睿親王封號

追謚曰忠補入

玉牒並令補繼襲封照親王園寢制度修其瑩墓仍令太

常寺春秋致祭其原傳尚有未經詳叙者並交國史

館恭照

實錄所載敬謹輯錄增補宗室王公功績傳用昭彰闡宗

勲至意又如豫親王多鐸從睿親王入闕肅清京輦

即率師西平流寇南定江浙實為開國諸王戰功之

最乃以睿親王之誣獄株連降其親王之爵其後又

改封信郡王雖至今承襲罔替但以王之勳績超邁

等倫自應世昨原封以彰殊眷豈可以風影微青輒

加貶易乎朕以為應復其原封又諸王中披堅執銳

拓土開疆共成一統之業者如禮親王代善後改封

康親王鄭親王濟爾哈朗後改封簡親王肅親王豪

格後改封顯親王克勤郡王岳託後改封平郡王當

時俱茂著壯猷克昭駿烈載在宗盟今其子孫所襲

均非始封之名外人不知妄疑宗藩當國家締造時

有大勲勞而後裔均不得長延帶礪以為闕典即其

本支承家襲慶以去祖漸遠幾忘其先世錫封之由

弗克顧名奮效所係於宗室子孫者甚重况功臣世

封內如揚古利之英誠公費英東之信勇公額亦都

之果毅公俱以本號相傳其子孫承襲者各能溯勲

欽定四庫全書

欽定宗室王公功績表傳

六

闕以宣偉績不失故家喬木之遺今以親賢世胄竟

改其初封嘉號何以垂詒奕禩示酬庸追本之義乎

朕以為應復其原號著交軍機大臣會同宗人府悉

心妥議具奏其餘宗室諸王貝勒等如有顯著功績

其封爵後經降奪者除本身身罹重愆自不當復邀

優典若係承襲之子孫獲咎議處者僅當斥其本身

而不當追貶其祖宗世爵方為平允亦著一併會查

議奏再配享

欽定四庫全書

欽定宗室王公功績表傳

七

太廟諸王僅有通達武功慧哲宣獻四郡王其

太祖

太宗

世祖時戮力行間櫛風沐雨之親藩如向所舉數人皆未

之及盖由當時議禮諸王各懷私意遂爾沒其勲伐

不得同侑馨香豈足以彰公道所有睿親王禮親王

鄭親王豫親王肅親王克勤郡王俱著補置牌位配

享

太廟用以妥功宗而昭渥典至通達郡王係

顯祖之子武功慧哲宣獻三郡王係

景祖之子當時雖身與配享第以宗支而論已在覺羅之

列是以宗室王公表傳內未經列傳但思宗室傳既

限於支派國史傳又以屬在宗潢今此四王無所附

麗亦覺欠缺著并交國史館查明四王事實補為立

傳列於國史諸大臣傳之前即或當時紀載簡少其

功績無由稽核無妨不拘詳略各立一傳以徵信實

欽定四庫全書

欽定宗室王公功績表傳

八

並將此通諭知之

乾隆四十三年三月初二日

上諭朕因我朝開國時宗室懿親勤勞佐命其殊勲茂

績實為史冊罕有如睿親王多爾袞受誣黜爵豫親

王多鐸緣事降封朕為核其生平事績昭雪加恩復

還原封世襲又禮親王代善鄭親王濟爾哈朗肅親

王豪格克勤郡王岳託等並令稱其原號用昭惇叙

酬庸渥典其餘諸王貝勒內或有顯著功績而封爵

後經降奪者除本人身罹重愆不當復邀優典外若

係承襲之子孫獲咎議處竟將初封號草未為平允

因令軍機大臣會同宗人府查明具奏今據開列清

單進呈朕詳加閱核如饒餘親王阿巴泰及子安親

王岳樂俱屢著功績其子孫內止有奉恩將軍一人

不足以酬勞閱著加恩賞封輔國公一人又敬謹親

王尼堪功勳頗顯且以力戰捐軀其子孫內現在止

有一輔國公亦著加恩晉封鎮國公至謙郡王瓦克

欽定四庫全書

欽定宗室王公功績表傳

九

達巽親王滿達海鎮國公屯齊從前亦均著有功績

現無承襲之人並著加恩瓦克達子孫賞給一等鎮

國將軍滿達海子孫賞給一等輔國將軍屯齊子孫

賞給一等奉國將軍此次加賞之公爵世職俱著世

襲罔替所有應襲之子孫俱著宗人府照例揀選數

人帶領引見

乾隆四十六年十一月二十六日

上諭宗室王公表傳簡親王喇布順承郡王勒爾錦貝

勒洞鄂事蹟俱不詳晰又簡親王傳內稱其生有神
力語尤不經查此書係何年編纂此外尚有似此語
句及叙次草率者並著交國史館恭查

實錄紅本另行改纂以昭徵信

御製文

己未歲戎

太祖大破明師於薩爾滸山之戰書事

蓋聞國之將興必有禎祥然禎祥之賜由乎

欽定四庫全書

欽定四庫全書
欽定四庫全書
卷首

天而致

天之賜則由乎人予小子於己未歲戎

太祖大破明師於薩爾滸之戰益信此理之不與也爾時

草創開基筮路藍縷地之里未盈數千兵之衆弗滿數

萬惟是

父子君臣同心合力師直為壯荷

天之龍用能破明二十萬之衆每觀

實錄未嘗不流涕動心思我

祖之勤勞而念當時諸臣之宣力也謹依
實錄敘述其事如左

己未二月明帝命楊鎬杜松劉綎等統兵二十萬號四
十萬來攻左翼中路以杜松王宣趙夢麟張銓督兵六
萬由渾河出撫順關右翼中路以李如柏賀世賢閻鳴
泰督兵六萬由清河出鴉鶻關左翼北路以馬林麻岩
潘宗顏督兵四萬由開原合葉赫兵出三岔口右翼南
路以劉綎康應乾督兵四萬合朝鮮兵出寬甸口期並
趨我興京三月朔我西路偵卒遙見火光馳告甫至而
南路偵卒又以明兵逼境告我

欽定四庫全書

欽定四庫全書
欽定四庫全書
卷首

太祖曰明兵之來信矣南路駐防之兵有五百即以此拒

之明使先見南路有兵者誘我兵而南也其由撫順關

西來者必大兵急宜拒戰破此則他路兵不足患矣即

於辰刻率大貝勒代善後封禮親王及衆貝勒大臣統城中

兵出而令大貝勒前行時偵卒又以明兵出清河路來

告大貝勒曰清河之界道途逼仄崎嶇兵未能驟至我

兵惟先往撫順以逆敵兵遂過扎喀關與達爾漢侍衛
扈爾漢後授三等子世職集兵以待

上之至時

四貝勒即我宗文皇帝太以祀事後至謂大貝勒曰界藩山

上我築城夫役在焉山雖險倘明之將帥不惜士卒奮
力攻之陷夫役奈何我兵宜急進以安夫役之心大貝
勒等善是言下令軍士盡擐甲日過午至太蘭岡大貝
勒及扈爾漢欲駐兵隱僻地以待敵

欽定四庫全書
欽定宗室王公功績表傳卷首

四貝勒艱然曰正宜耀兵列陣明示敵人壯我夫役士卒
之膽俾并力以戰何故令兵立隱僻地耶巴圖魯額亦
都後為一等大臣曰貝勒之言是也我兵當堂堂正正
以向敵人遂督兵赴界藩對明兵營列陣而待初衆貝
勒兵未至我國防衛築城夫役之兵僅四百人伏薩爾
澗谷口伺明總兵杜松王宣趙夢麟之兵過谷口將半
尾擊之追至界藩渡口與築城夫役合據界藩山之吉
林崖杜松結營薩爾澗山而自引兵圍吉林崖仰攻我

兵我兵四百人率衆夫役下擊之一戰而斬明兵百人
時我國衆貝勒甫至見明兵攻吉林崖者約二萬人又
一軍列薩爾澗山巔遙為聲勢四大貝勒與衆將議曰
吉林崖巔有防衛夫役之兵四百人急增千人助之俾
登山馳下衝擊而以右翼四旗兵夾攻之其薩爾澗山
之兵則以左翼四旗兵當之遂遣兵千人往吉林崖
上至問四大貝勒破敵策四大貝勒具以前議告

上曰日暮矣且從汝等令分右翼四旗之二與左四旗兵

欽定四庫全書
欽定宗室王公功績表傳卷首

合先破薩爾澗山所駐兵此兵破則界藩之衆自喪膽
矣再令右二旗兵遙望界藩明軍俟我兵由吉林崖馳
下衝擊時并力以戰是時我國近都城之兵乘善馬者
先至乘駕馬者後至其數十里外者尚未至於是合六
旗兵進攻薩爾澗山明兵駐營列陣發鎗礮我兵仰而
射之奮力衝擊不移時破其營壘死者相枕藉而所遣
助吉林崖之兵自山馳下衝擊右二旗兵渡河直前夾
擊明兵之在界藩山者短及相接我兵縱橫馳突無不

一當百遂大破其衆明總兵杜松王宣趙夢麟等皆歿於陣橫屍亘山野血流成渠其旗幟器械及士卒死者蔽渾河而下如流漸焉追奔逐北二十餘里至舒欽山時已昏軍士沿途搜勦者無數是夜明總兵馬林兵營於尚間崖濬濠嚴斥堠鳴金鼓自衛我兵見之乘夜馳告於大貝勒翼旦大貝勒以三百餘騎馳往馬林兵方拔營行見大貝勒兵至回兵結方營環營濬濠三匝列火器俾習火器者列濠外繼列騎兵以俟又潘宗顏一

欽定四庫全書

欽定宗室王公功績表傳

卷首

軍距西三里外營斐芬山大貝勒見之使人馳告於

上時我國遠路之兵亦陸續至與大貝勒兵合明左翼中路後營遊擊龔念遂李希泌統步騎萬人駕大車持堅楯營於幹理鄂謨地環營濬濠外列火器

上見之與

四貝勒率兵不滿千人分其半下馬步戰明兵發火器拒敵

四貝勒引騎兵奮勇衝入我步兵遂斬其車破其楯明兵

又大敗龔念遂李希泌皆陣歿馬會大貝勒使人至知明兵已營尚間崖

上不待

四貝勒兵急引侍從四五人往日中至其地見明兵四萬人布陣成列

上趣令我軍先據山巔向下搏擊衆兵方欲登山而馬林營內之兵與壕外兵合

上曰是將與我戰也我兵且勿登山宜下馬步戰令大貝

欽定四庫全書

欽定宗室王公功績表傳

卷首

勒往諭時左二旗兵下馬者方四五十人明兵已自西突至大貝勒代善言於

上曰兵已進矣即怒馬迎戰直入其陣二貝勒阿敏三貝

勒莽古爾泰與衆白吉等各鼓勇奮進兩軍搏戰遂敗明兵斬首捕鹵過當方戰時我六旗兵見之不及布列行陣人自為戰前後不相待縱馬飛馳直逼明營明兵發鳥鎗巨礮我兵衝突縱擊飛矢利及所向無前明兵不能支又大敗遁走我兵乘勝追擊明副將麻岩及大

小將士皆陣歿總兵馬林僅以身免滅跡掃塵案角隴種尚間崖下河水為之盡赤

上復集軍士馳往斐芬山攻開原道潘宗顏兵令我兵之

半下馬仰山而攻宗顏兵約萬人以楯遮蔽連發火器

我兵突入摧其楯遂破之宗顏全軍盡歿時葉赫貝勒

錦台什布揚古欲助明與潘宗顏合其兵甫至開原中

固城聞明兵敗大驚而遁是時我軍既擊破明二路兵

上乃收全軍至固勒班地方駐營而明總兵劉綎李如栢

欽定四庫全書

欽定宗室王公功績表傳

卷首

等由南路進者已近逼興京偵卒馳告

上遂命扈爾漢先率兵千人往禦翼旦

上復命二貝勒阿敏率兵二千繼之

上率眾貝勒大臣還軍至界藩行凱旋禮封八牛祭纛告

天大貝勒代善請曰吾先歸從二十騎微行探信祀畢

上徐來

上許諾三貝勒莽古爾泰亦相繼行

四貝勒馳至

上前請與俱往

上曰汝兄微行往探汝隨吾後行

四貝勒曰兄獨往吾留此未安也遂亦行日暮大貝勒回

至興京入宮則

皇后內庭等見大貝勒至亟問禦敵策大貝勒曰撫順開

原二路敵兵已破誅戮且盡南來兵已遣將往禦我待

父皇命當即往破之於是大貝勒復出城迎

上於大屯之野

欽定四庫全書

欽定宗室王公功績表傳

卷首

上自界藩啟行至興京平明大貝勒三貝勒

四貝勒統軍士禦劉綎而留兵四千於都城待李如栢賀

世賢等之兵初劉綎兵出寬甸進揀鄂路我居民避匿

深山茂林中劉綎悉焚其柵寨殺其孱弱佐領託保額

爾訥額赫率駐防五百人迎敵劉綎兵圍之數重額爾

訥額赫死之并傷我卒五十人託保引餘兵與扈爾漢

軍合扈爾漢伏兵山隘以待已刻大貝勒及三貝勒

四貝勒引兵甫出瓦爾喀什窩集時劉綎所率精銳二萬

先遣萬人前掠將趨登阿布達哩岡布陣大貝勒欲引兵先登馳下擊之

四貝勒曰兄統大兵留此相機為援吾先督兵登岡自上擊之大貝勒曰善我引左翼兵出其西汝引右翼兵登山俾將士下擊汝立後督視勿違吾言輒輕身入也

四貝勒遂率右翼兵往先引精騎三十人超出眾軍前自山馳下奮擊之兵又交接戰甚酣後軍隨至衝突而入大貝勒又率左翼兵自山之西至夾攻之明兵大潰

欽定四庫全書

欽定宗室王公功績表傳

卷首

四貝勒乘勝追擊與劉綎後隊兩營兵遇綎倉卒不及陣

四貝勒縱兵奮擊殲其兩營兵萬人劉綎戰死是日明海蓋道康應乾步兵合朝鮮兵營於富察之野其兵執篋笕長鎬被藤甲皮甲朝鮮兵被紙甲其胄以柳條為之火器層疊列待

四貝勒既破劉綎兵方駐軍眾貝勒皆至遂復督兵攻應乾明兵及朝鮮兵敵競發火器忽大風驟作走石揚沙煙塵反撲敵營昏冥晝晦我軍乘之飛矢雨發又大破之

其兵二萬人殲焉應乾遁去先是二貝勒阿敏扈爾漢前行遇明遊擊喬一琦兵擊敗之一琦將收殘卒奔朝鮮都元帥姜功烈營時功烈據固拉庫崖眾貝勒復整

兵逐一琦遂攻朝鮮營功烈知明兵敗大驚遂按兵偃旗幟遣通事執旗來告曰此來非吾願也昔倭侵我國據我城郭奪我疆土急難之時賴明助我獲退倭兵今以報德之故奉調至此爾撫我我當歸附且我兵之在明行間者已被爾殺此營中皆高麗兵也明兵逃匿於

欽定四庫全書

欽定宗室王公功績表傳

卷首

我者止遊擊一人及所從軍士而已當執之以獻四大貝勒定議乃曰爾等降先令主將來否則必戰功烈復遣使來告曰吾若今夕即往恐軍亂逃竄其令副元帥先住宿貝勒營以示信詰朝吾率眾降遂盡執明兵擲於山下付我明遊擊喬一琦自縊死於是朝鮮副元帥先詣眾貝勒降翼日姜功烈率兵五千下山降眾貝勒宴勞之送功烈及所部將士先詣都城

上御殿朝鮮都元帥姜功烈及副元帥等匍匐謁見

上優以賓禮數賜宴厚遇之士卒悉留養養四大貝勒既殲南路明兵四萬人我軍駐三日籍其俘獲人馬輜重鎧仗而還是役也明以傾國之兵雲集遼瀋又招合朝鮮葉赫分路來侵五日之間悉被我軍誅滅其宿將猛士暴骸骨於外士卒死者不啻十餘萬我軍邀

天佑助以少擊衆無不摧堅挫銳迅奏膚功策勲按籍我士卒僅損二百人自古克敵制勝未有若斯之神者也時明經畧楊鶴駐瀋陽聞三路兵敗大驚急檄總兵李

欽定四庫全書

欽定宋室王公功績表傳

三

如栢副將賀世賢等回兵如栢等自呼蘭路遁歸我哨兵二十人見之據山上鳴螺繫帽弓稍揮之作招集大兵狀已而呼噪下擊殺四十人獲馬五十匹明兵奪路而逃相蹂踐死者復千餘人庚寅大軍還至都城

上顧衆貝勒大臣曰明以二十萬衆號四十七萬分四路並力來戰今我不踰時破之遂獲全勝各國聞之若謂我分兵拒敵則稱我兵衆若謂我往來勦殺則服我兵強傳聞四方孰不懼我軍威者哉嗚呼由是一戰而明

之國勢益削我之武烈益揚遂乃克遼東取瀋陽王基開帝業定夫豈易乎允因我

太祖求是於

天復讐乎

祖同兄弟子姪之衆率股肱心膂之臣

親冒矢石授方略一時

聖嗣賢臣抒勞効悃用成鴻勳我大清億萬年丕丕基實

肇乎此予小子披讀

欽定四庫全書

欽定宋室王公功績表傳

三

實錄未嘗不起敬起慕起悲起愧未能及其時以承訓抒力於行間馬上也夫我

祖如此勤勞所得之天下子若孫觀此戰蹟而不思所以

永

天命綿帝圖兢兢業業治國安民凜惟休惟恤之戒存監

夏監殷之心則亦非子子孫而已爾此予觀薩爾濟之

戰所由書事也此予因

實錄尊藏人弗易見而特書其事以示我大清億萬年子

孫臣庶期共勉以無忘

祖宗開創之艱難也

御製詩

酌克勤郡王園寢 癸亥

開國承家日于藩夾輔資一時扶王業四海定丕基懿

德書金匱佳城奠玉卮銀潢天共遠百世篤宗支

追復睿親王封號并復其宗嗣襲封子諡配享詩

以誌事 有序 戊戌

欽定四庫全書

欽定宗室王公功績未傳 卷首

稽宗盟之軼事展親兼以褒功勳方策之遺聞申

枉因而繼絕睿親王者屬本懿藩分居執政勤勞

王室聿忱洵同姓之良綏定燕京偉績更諸王之

冠頤以任隆見嫉亦或氣盛招尤履霜之釁潛積

於多年戴盆之寃頓興於既逝指斂衣為左證理

知所必不然肆羅織以深文獄甚於莫須有徒以

衆怨之構成貝錦而執作爰書尚非

親政之年矯綸綍而竟從重典繫予恭披

實錄鑒王實有大勳當危疑推戴之時拒羣議而直扶

沖主迨戡亂肅清之際迎

聖駕而肇建丕基且誠比列之謠諛勗以尊君親上復斥

同懷之愆戾加以義正詞嚴歷歷具存班班可考

緬其誠蓋皎如白日青天嘉乃壯猷允矣信今傳

後使果有不軌之志未嘗無可乘之機乃貞心既

矢於寢興豈逆迹轉萌於泉壤無端而暴其罪狀

每惻於中如是而坐以叛名宜昭其屈念疇昔非

欽定四庫全書

欽定宗室王公功績未傳 卷首

由

親決弗嫌成案之翻為國家特叙成勞惟協公評之當用

是復其王爵仍教世襲茅封並為錄彼宗支咸使

列於

玉牒葺園寢而春秋祀享配

太室而殿廡筵班補列傳以連篇準易名之一字推

祖宗之恩意辨誣足勝金滕勉子姓以欽承守緒奚煩鐵

券爰成四韻并引長言

流言恐懼似周公則生前王已終睿親王之冤獄與周公之被流言相

似然公之受謗在生前故恐懼可以有待王則遭詛於身後故是非無以自明然予恭閱實錄為之昭

雪較諸感風雷而發金無倖位心真是睿有開基業孰

勝者以尤光明正大耳齊忠謚增一字非私惠論定千秋付眾同配食襲封推

祖澤睦親惇叙勗宗功

命仍稱禮鄭豫肅諸親王及克勤郡王原封爵號

並予配享詩以誌事有序 戊戌

溯維城於王室同扶有永之

欽定四庫全書

欽定宗室王公功績表傳

卷首

鴻圖考列爵於宗盟各著非常之偉闕事在本朝為極盛

蹟皆前古所罕聞每以繹尋

實錄之文因有追叙成勞之典粵稽禮邸實惟讓王四路

分殲薩爾濟助揚

神武連營並克山海關奮厲師貞翊

聖明而特表蓋誅逆惡而不徇私義至鄭王屬居近派

蒙

太祖育自宮中初定平壤之盟旋鼓寧遠之勇遵化歸化

頻建豐庸松山杏山疊施勝算剪彊藩而成一統

識裕先幾膺攝政而疏千言監陳

前憲若夫論功之最惟豫尤超幼統偏師荷嘉名之

肇錫獨抒長策舉大勢以全規洎入燕京遂專閭節破潼

關而追流寇狂魄尋僅平江介以定中原游魂自

滅又如肅武親王之百戰稱雄而秦地恢城蜀江

殪賊勲尤崇也他若克勤郡王之屢征奏捷而降

納朝鮮計圖明塞略更優焉是為同姓之股肱名

欽定四庫全書

欽定宗室王公功績表傳

卷首

皆炳著並照當年之耳目人所豔稱乃日久而舊

號俱更雖世及而遺風幾泯爰命復原封之字俾

同竹帛以常新並教列配享之廟咸侑馨香而弗

替餘凡類似悉予詳求念櫛風沐雨之勞使徵獻

者知宗功之不朽比礪山帶河之永期襲次者懷

祖烈以毋忘用紀長歌並疏小引

貝勒讓帝如汝陽

為最長而功德隆茂眾望皆屬太祖大事禮親王於諸子中

太宗禮親王因作議書言紹承大統必得聖君始能戡亂致治以成一統自顧德薄願共推戴

勒嗣位入朝遍示諸身勒大臣眾皆喜
太宗辭讓再三王意益懇切乃從之
薩爾汗戰我

武揚薩爾汗之戰禮親王同太宗隨
太祖立功詳見向所作薩爾汗山書事
推戴

沖主出丹誠叶不私子孫德尤彰
親王之世祖嗣位時禮
親王發其謀並誅之

宮中育養子姪行其名曰濟爾哈朗叶
太祖親姪幼育於

碩貝勒戰功多矣難數詳同攝政亦抒謀臧遠取雲

貴見早彊鄭親王病劇世祖臨問泣對曰臣受
三朝深恩未能仰答不勝感痛惟願

以取雲貴滅桂王統一四海為念
為之大慟逆藩日後之謀果不出王之先見也
幼領偏

欽定四庫全書
欽定宗室王公功績表傳
卷首

師建績昂褒蒙

聖嘉賜美名叶豫親王幼統偏師輒有功
賜號額爾克楚呼爾直入

潼關賊奔商旋師平定江南疆功莫大焉策允良
王之戰功

甚多難以縷舉至其破潼關逐闖賊
及平定江南尤其功之最著者也
整兵入蜀肅親王

陣斬巨寇張獻忠叶卷平內地警諸羌
肅親王射殪張

賊平定禮親王子智獨長克勤郡王為禮親
王長子有謀勇濟以悃悛

復勇往叶盟定朝鮮勳克襄克勤郡王常同大貝勒阿
敏及鄭親王征朝鮮克四

城諭朝鮮王李倬降時阿敏懷異志欲直趨朝鮮王京
倬挈琴奔遣其臣進昌君求和眾議許之阿敏不允克

勤郡王密與鄭親王定議駐師平山城遣使往諭倬報
命願歲貢方物遂許其降既盟告阿敏阿敏以未與盟
仍縱兵大掠勒之不聽復令恨未得與定北京叶勤郡王
倬弟李覺與阿敏盟乃班師

於崇德三年以疾薨於軍
思禮故未及與入關定燕京也
是皆巨

擘輝天潢與復舊號並配享叶其未及者付考章並教

一一稽宗盟叶其餘宗室諸王貝勒等有功績顯著
其封爵後經降奪者並命宗人府查奏

雪寬彰善示後獲

宗恩澤子衍慶本支百世奕禩昌

欽定四庫全書
欽定宗室王公功績表傳
卷首

酌克勤郡王園寢戊戌

每陳開國策均合

聖人心王職功頗多且於天聰時陳奏善撫降人及請於
山海關通州燕京三處急圖其一以定丕基並請

駐兵金州賒哨諸事
太宗皆嘉納之
不少赴桓衆

獨嘉幹略沉佳城留故里致奠重躬臨彰善俾觀感伊予

此意深王之後襲封者改為平郡王今春以開國勳藩
爵延於世自應仍其初封之號俾襲爵者顧名

追念無忘其先人體國勳勞常懷效勉於訓示宗
親有益曾命軍機大臣會同宗人府核議著為令

酌克勤郡王園寢疊戍詩韻癸卯

酌克勤郡王園寢疊戍詩韻癸卯

酌克勤郡王園寢疊戍詩韻癸卯